



Heilbrigðisráðherra,
Heilbrigðisráðuneyti
Skógarhlíð 6
105 Reykjavík
hrn@hrn.is

Egilsstaðir, 29. janúar 2021

Efni: Frumvarp til laga um breytingu á lögum nr. 87/2018, um rafrettur og áfyllingar fyrir rafrettur (nikótínvörur)

Fyrir hönd íþróttá- og æskulýðssviðs Múlaþings þökkum við fyrir tækfærið að fá að skila inn umsögn um frumvarp þetta.

Eftir að frábær árangur náðist á síðustu árum hvað varðar áfengis- og tóbaksnotkun unglunga og ungmenna litu rafrettur dagsins ljós og kom áþreifanlega í ljós hversu erfitt var að bregðast við því þegar vörur fara í sölu sem ekki virðast gilda um nein lög. Sömu vörur hafa slæm áhrif á heilsu og líðan ungs fólks. Það sama er uppi nú þegar nikótínþúðar hafa rutt sér hratt til rúms, eru til sýnis og sölu í nánast öllum sjoppum og matvöruverslunum og eru auglýstir af áhrifavöldum, á vinsælum vefsíðum og í hlaðvörpum. Mikilvægt er að bregðast hratt við og nauðsynlegt að það frumvarp sem hér er til umsagnar sé skýrt og greinilegt.

Við fögnum því að nikótínvörum verði bætt við lög um rafrettur. Eðlilegt væri þó að um hvoru tveggja giltu sömu lög og gilda nú um tóbak og nikótín. Eins væri æskilegt að ÁTVR sæi um innflutning, dreifingu og eftirlit og að allar takmarkanir séu þannig þær sömu. Í dag er leyfilegt að selja rafrettur og nikótínvörur í sérverslunum sem selja ýmsan annan varning sem laðar að börn og ungmenni. Ákjósanlegast væri að slíkar vörur væru ekki til sýnis í verslunum og allt aðgengi að þeim væri takmarkað.

Þá teljum við brýnt að við frumvarpið verði bætt klausu um að óheimilt sé að nota vörurnar í leik-, grunn- og framhaldsskólum sem og í félagsmiðstöðvum og ungmennahúsum og í öðru húsnæði sem ætlað er til félags-, íþróttá- og tómstundastarfs barna og unglunga líkt og gildir um tóbak.

Til að sem best verði staðið að því að halda rafrettum, rafrettuvökva og nikótínvörum frá börnum og ungmennum þarf eftirfarandi að vera skýrt í lögum:

- Algjört bann við auglýsingum, á hvaða formi sem þær eru (útvarp, sjónvarp, vefmiðlar, áhrifavaldar o.s.frv.)

Múlaþing

Lyngási 12, 700 Egilsstaðir
Sími: 4 700 700
mulathing@mulathing.is
www.mulathing.is





- Á umbúðum verði tekið fram á íslensku, ensku og pólsku að um ávanabindandi og hættulegt efni sé að ræða.
- Á umbúðum sé skýr innihaldslýsing á íslensku og ensku.
- Á umbúðum sé tekinn fram styrkleiki varanna.
- Að hámarksstyrkleiki varanna verði lögbundinn.
- Algjört bann verði við því að selja vörurnar í gegnum vefsíður/á internetinu.
- Algjört bann verði við því að vörurnar séu sýnilegar í verslunum og aðgengi barna og unglunga að nikótínvörum þannig takmarkað.
- Óheimilt verði að nota vörurnar í leik-, grunn- og framhaldsskólum sem og í félagsmiðstöðvum og ungmennahúsum og í öðru húsnæði sem ætlað er til félags-, íþrótt- og tómstundastarfs barna og unglunga líkt og gildir m.a. um tóbak.

Að endingu teljum við mikla þörf á því að heilbrigðisráðuneytið, ásamt landlækni og öllum þeim sem hafa með málefni barna og unglunga að gera, séu vel vakandi fyrir því þegar vörur af svipuðum toga og hér er fjallað um verða vinsælar. Þannig grípum við hratt og örugglega inn í og höfum hag þessa mikilvæga hóps ávallt að leiðarljósi.

Fyrir hönd íþrótt- og æskulýðssviðs Múlaþings,
Bylgja Borgþórsdóttir, íþrótt- og æskulýðsstjóri
Vigdís Diljá Óskarsdóttir, verkefnastjóri íþrótt- og æskulýðsmála

Múlaþing

Lyngási 12, 700 Egilsstaðir
Sími: 4 700 700
mulathing@mulathing.is
www.mulathing.is

